

आकाशवाणी

खास-खास खबरां:-

- प्रधानमंत्री नरेन्द्र मोदी इटली दी अपनी पैहली दपक्खी जातरा पर कल रातीं रोम पुज्जे। उन्दी इटली दी प्रधानमंत्री जॉर्जिया मेलोनी हुंदे कन्नै गल्बात दा कार्यक्रम ऐ।
- पच्छिम बंगाल सरकार नै महिलाएं दे समाजी -आर्थिक विकास लेई 3 जहार रपें दी माहवार माली सहायता आली “अन्नपूर्णा” योजना अधिसूचित करी दिती ऐ।
- “इक राश्ट्र- इक चुनांस” बारे खडेरी गेदी संसद दी सांझी कमेटी नै आखेआ ऐ जे लोकसभा, विधानसभा ते मकामी निकार्ये दे चुनांस किट्ठे करोआने कन्नै तकरीबन 7 लक्ख करोड़ रपें दी बचत होई सकदी ऐ।
- शैहरी हवाबाजी सरबंधी महा-निदेशालय DGCA ने Air India दे Boieng 787 जहाज दे ईंधन नियंत्रण Switch दी जांच, मूल उपकरण निर्माता केन्द्र पर अपने अधिकारिये दी मजूदगी च करोआने दा निर्देश दिता ऐ।
- IPL क्रिकेट च कल जयपुर च राजस्थान रॉयल्स नै लखनऊ सुपर जायंट्स गी 7 विकट कन्नै हराई दिता।

<><><><><><>

PM -Rome

प्रधानमंत्री नरेन्द्र मोदी इटली दी अपनी पैहली दपक्खी जातरा पर कल रातीं रोम पुज्जे। इटली दे बदेश मंत्री एन्टोनियो ताजानी होरें ब्हाई अड्डे पर उंदा सुआगत कीता। इस दरान दौने देशें बश्कार बपार- रक्षा- ट्रांसपोर्ट- समुंदरी सुरक्षा- बंदरगाह सरबंधी सहयोग ते स्वच्छ ऊर्जा सनें प्रमुख खेतरें च समझौते पर दस्तखत दी मेद ऐ। इटली दिएं प्रधानमंत्री जॉर्जिया मेलोनी होरें सोशल मीडिया पर प्रधानमंत्री होरेंगी व्यक्तिगत बधाई दिंदे होई मोदी हुंदे कन्नै इक तस्वीर बी सांझी कीती जेहदे च उंनें लिखेया ऐ “रोम च तुंदा सोआगत ऐ मेरे दोस्त”। प्रधानमंत्री मोदी हुंदे सुआगत च उत्थे इक सांस्कृतिक संध्या ते रातीं दी रुट्टी आले इक शानदार कार्यक्रम दा आयोजन कीता गोआ।

मोदी हर अज्ज इटली दिएं प्रधानमंत्री ते राष्ट्रपति हुंदे कन्नै गल्लबात करडन। प्रधानमंत्री मोदी हुंदे दौरे कन्नै भारत ते इटली दे सैहयोग गी बल मिलोग ते इस दरान भारत-मध्य पूर्व-यूरोप आर्थिक गलियारें बक्खी चेचा ध्यान दिता जाहग।

<><><><><><>

Article India –Italy

भारत ते इटली दे सरबंधं च हाल दे बरे दरान ऐतिहासिक प्रगति दे बरे दरान ऐतिहासिक सरबंध इक नतीजाकुन मोड़ पर पुज्जी गे न। प्रधानमंत्री नरेन्द्र मोदी ते इटली दिएं प्रधानमंत्री जॉर्जिया मेलोनी हुंदे इक सांझे लेख च दौने नेताएं आखेआ ऐ जे भारत ते इटली दे सरबंध दोस्ताना सरबंधं थमां विकसित होइयै इक बशेश रणनीतिक सांझ-भ्याली दे स्तरें तोड़ी पुज्जी गे न ते एह सरबंध- आजादी लोकतंत्र ते भविक्ख लेई सांझे मुल्लें-कदरें पर आधारित न। दौने नेताएं आखेआ ऐ जे ऐसे समें च जेल्लै आलमी बवस्था च बड्डी तब्दीलियां होआ रदियां न तां भारत ते इटली दी सांझ-भ्याली-सब्भनें शा उच्चे सियासी ते संस्थागत स्तरें पर नियमित आदान-प्रदान दे राहें अगड़ी बधा करदी ऐ। दंऊ राष्ट्री दैनिक अखबारें च प्रकाशित लेख च दौने नेताएं नमें लक्ष्य हासल करने ते पूरक शक्तियें दा लाह ठोआंदे होई दपक्खी सरबंधं गी मजबूत करने दी अपनी वचनबद्धता फही पक्की कीता ऐ। उनें आखेआ ऐ जे दौने देशें दा लक्ष्य इटली दी बेमिसाल डिजाईन ते माल तयार करने दी समर्थ ते भारत दे तेज आर्थिक विकास, इंजीनियरिंग प्रतिभा, व्यापक समर्थ, नमिएं काहड्डें आली बवस्था ते उद्यम- कारखानादारी दी ताकत बशकार इक मजबूत तालमेल स्थापित करना ऐ ते एहदे च 100 शा मते यूनिकार्न ते तकरीबन 2 लक्ख स्टार्ट-अप शामिल न।

<><><><><><>

WB.- Annapurna

पच्छिम बंगाल सरकार नै महिलाएं दे समाजी-आर्थिक विकास लेई 3 जहार रपे दी माहवार माली सहायता आली “अन्नपूर्णा” योजना अधिसूचित करी दिती ऐ। महिलाएं ते बच्चें दे विकास सनें समाज कल्याण विभाग दी एह योजना पैहली जून थमां अमल च आई जाहग।

इस योजना दे तैहत योग्य लाभार्थियों दे आधार कन्ने जुड़े दे बैंक खातें च सिद्धे लाह मुंतकिल करने आली बवस्था दे माध्यम कन्ने माली मदाद भेजी जाहग। इस योजना लेई 25 थमां 60 बरे दी उम्री दिआं महिलां योग्य न। नमें हुकमै मूजब- “लक्ष्मी भंडार” योजना दे सब्भै मजूदा लाभार्थी अपने-आप गै “अन्नपूर्णा” योजना च मुंतकिल होई जागंन। नमें आवेदकें लेई “अन्नपूर्णा” योजना दा ऑनलाईन पोर्टल पैहली जून 2026 गी शुरु कीता जाहग।

<><><><><><>

ONOE-JPC Gujrat

“इक राश्ट्र- इक चुनांस” बारे खडेरी गेदी संसद दी सांझी कमेटी नै आखेआ ऐ जे लोकसभा, विधानसभा ते मकामी निकायें दे चुनांस किट्ठे करोआने कन्ने तकरीबन 7 लक्ख करोड़ रुपें दी बचत होई सकदी ऐ। एहदे नै शासन बवस्था च सुधार ते देशै दी सकल घरेलू उत्पाद यानि GDP दी विकास दर च इक इशारिया 6 फीसद तगर दा बाददा होई सकदा ऐ। समीति दे अध्यक्ष ते लोकसभा सांसद पी.पी. चौधरी होरें कल संजा गुजरात दे गांधी नगर च पत्रकारें गी एह जानकारी दिती। संविधान दी 129मां संशोधन बिल 2024 ते केन्द्र शासत प्रदेश कनून संशोधन बिल-2024 पर खडेरी गेदी सांझी संसदी कमेटी दे सदस्य कल्लै थमां गुजरात दे त्रंऊ दिनें दे दौरे पर न। पी.पी. चौधरी हुंदी प्रधानता च खडेरी गेदी इस कमेटी दे सदस्यें गांधीनगर च राज्य दे वरिष्ठ अधिकारियें कन्ने मलाटी कीती। इस कमेटी च लोकसभा दे 27 ते राज्यसभाव दे 12 सांसद न।

<><><><><><>

DGCA

शैहरी हवाबाजी सरबंधी महा-निदेशालय DGCA ने Air India दे Boieng 787 जहाज दे ईंधन नियंत्रण Switch दी जांच, मूल उपकरण निर्माता केन्द्र पर अपने अधिकारियें दी मजूदगी च करोआने दा निर्देश दिता ऐ। DGCA मूजब- एयर इंडिया दे Boieng 787 जहाज गी इस बरे 2 फरवरी गी लंदन दे हीथ्रो ब्हाई अड्डे थमां बेंगलुरु लेई डुआरी दे बाद रोकी दिता गेआ हा।

एह कार्रवाईव पायलट Defect Report च दर्ज इक Entry दे बाद कीती गई ही- जेहदे च आखेआ गेआ हा जे सब्भै पाससै आला ईंधन नियंत्रण Switch बिंद हारा दबाने पर Run थमां Cut off आली स्थिति च चला जंदा ऐ ते चुनी गेदी स्थिति च खरी चाल्ली लॉक नई हुंदा। DGCA ने दस्सेआ जे निरीक्षण नतीजें ते उपलब्ध सबूतें दी समक्षा दे बाद एह नतीजा कड्डेआ गेआ जे ईंधन नियंत्रण स्वीच अपने Design मूजब कम्म करा रदा हा। हालांकि DGCA नै निगरानी दे तैहत निर्देश दिता ऐ जे ईंधन गी नियंत्रित करने आले स्विचें दा भविक्ख च निरीक्षण कीता जा।

<><><><><><>

Nadda -Geneva

केन्द्रीय सेहत मंत्री जगत प्रकाश नड्डा होरें जिनेवा च 79में विश्व सेहत सभा आस्तै सेहत कल्याण-डिजिटल सेहत सरबन्धी नमिएं काहडें ते वैश्विक सेहत प्रति इक जुटता आस्तै भारत दी प्रतिबद्धता दोहराई ऐ। “वैश्विक सेहत दा पुननिर्माण इक सांझी जिम्मेदारी” इस विशे पर आयोजित सभा च नड्डा होरें सम्पूर्ण सरकार ते सम्पूर्ण समाज दे नजरिए पर आधारित सब्भनें आस्तै सेहत कल्याण दी दिशा च भारत दी प्रगति दा जिक्र कीता। सेहत मंत्री होरें दस्सेआ जे पूरे मुख्य च इक लक्ख 85 जहार थमां मते आयुष्मान आरोग्य मंदर न। उ’नें दस्सेआ जे आयुष्मान भारत डिजिटल मिशन भारत दे पूरे पराते सेहत सरिस्ते गी 880 मिलियन टकोदे डिजिटल सेहत जत्नें राएं मदद करा’रदा ऐ।

<><><><><><>

US Sec. –India Visit

अमरीका दे विदेशमंत्री मार्को रुबियो शनिवार थमां 4 दिन दी भारत यात्रा पर आवा रदे न। एह उन्दी पैहली भारत यात्रा होग। अमरीकी विदेश मंत्रालय नै यात्रा दी तस्दीक कीती ऐ। विदेश विभाग दे प्रवक्ता टॉमी पिगोट होरें दस्सेआ जे यात्रा दौरान रुबियो होर कोलकाता- नर्मिं दिल्ली- आगरा ते जयपुर जाडन। रुबियो होर 26 मई गी Quad समूह दी बैठक च हिस्सा लैगंन। Quad समूह च भारत सनें आस्ट्रेलिया- जापान ते अमरीका शामिल न।

<><><><><><>

Putin –China

रुस दे राष्ट्रपति व्लादिमीर पुतिन चीन दी दंडु दिनें दी जातरा पर कल रातीं पेचिंग पुज्जे। इस दरान पुतिन होर चीन दे राष्ट्रपति शी जिनपिंग हुंदे कन्नै गल्लपात करडन। पुतिन हुंदी एह जातरा अमरीका दे राष्ट्रपति डोनाल्ड ट्रम्प हुंदी चीन जातरा सम्पन्न होने दे इक हफते शा बी घट्ट समें च होआ करदी ऐ। इस दरान दौनें देशें बश्कार आर्थिक सैहयोग ते प्रमुख अंतर्राष्ट्री ते इलाकाई मुद्दें पर चर्चा कीते जाने दी मेद ऐ।

<><><><><><>

IPL

आई.पी.एल क्रिकेट च कल रातीं जयपुर च राजस्थान रॉयल्स नै लखनऊ सुपर जायंट्स गी 7 विकट कन्नै हराई दिता। एदे कन्नै राजस्थान दी प्ले ऑफ च पुज्जने दी संभावना बनी दी ऐ। राजस्थान नै 221 रन्ज दा लक्ष 7 विकट दे नुक्सान पर 5 गेंदा बाकी रौहन्दे हासिल करी लैता। प्रतियोगिता च अज्ज कोलकाता नाइट राइडर्स दा मुकाबला मुम्बई इंडियन्स कन्नै होग। एह मैच संग्रा साइडे 7 बजे खेडेया जाहग।

<><><><><><>

Kolhi –Hockey

भारत दे वरिष्ठ क्रिकेट खड्दारी विराट कोहली होरें भारती हॉकी खड्दारियें दे फिटनेस स्तर दी सराहना करदे होई इसी खेड्ठ दे प्रति समर्पण दी पंछान करार दिता ऐ। कोहली होरें एह गल्ल कल त्रीये RCB Innovation Lab Indian Sports Summit दरान आक्खी। कोहली होरें गलाया जे क्रिकेटरें दी फिटनेस, भारती हॉकी खड्दारियें दी फिटनेस दे 15 फीसद दे बरोबर बी नैई ऐ। इस टिप्पणी पर भारती हॉकी कप्तान हरमनप्रीत सिंह होरें आखेआ ऐ जे कोहली हुंदे शब्दें दा खेड्ठ लेई बड़ा महत्व ऐ।

<><><><><><>